



CHAMBRE DES COMMUNES
HOUSE OF COMMONS
CANADA

DIINÀNH GWIZHÌT NIHKHÀH GWEHNEET'AII TR'IGWAHTSIH, YEENDÒO GUK'ATR'AHNAHTYAA: ARCTIQUE GWIZHÌT YEENDÒO' T'IGWIHÈECH'AA GEENJIT GISRII NITR'ÄHJIH

Affaires étrangères ts'at développement international Gwizhìt
Dagweedi'in' Gwizhìt Nìlii Kat Geenjít Diiyah Tr'igwaandak

Michael Levitt, Łinagaadal Gwichìt



AVRIL 2019

PARLEMENT 42 GWIZHÌT GWEEDHÀH, TR'OOCHIT NIHKAH ŁINAGAADAL

Jii diiyah tr'igwaandak gwi'dinehtl'ee tr'altsaii Chambre des communes Łinatr'aadal Geenjit Gjjkhii gwits'at k'adagwidaadhat

ŁINATR'AADAL GEENJIT GJJKHII JII GEENJIT AHÀ' NÙH

Chambre des communes ts'at Gwizhit Nilii Kat dagweedil'in' uu'ok t'angiinch'uu gugwahnah'aa geenjit jii dinehtl'eh gwits'an gahtsih. Chambre des communes ts'at Gwizhit Nilii Kat dageedi'in gwi'dinehtl'ee uu'ok gwits'an tr'igwahtsii ts'at geenjit diiyah tr'igwaandak Chambre des communes ts'at Gwizhit Nilii Kat iisrits'at gwits'at k'adagwidàadhat. Jii gwik'it gugwehdineetl'oo geenjit chan gwits'at k'adagugwidaadhàt.

Jii gwik'it gugwehdineetl'oo ji' li'hàt gwizhit gö'o'ahí gwik'it gugwedineetl'oo geenjit goo'ài. Jii gwik'it tr'igwidintl'oo ji' duuyeh leii tr'ahtsii, duuyeh uu'ok gwatat trilii göo duuyeh gwt'ih tseedhòt tr'ahtsih. Jii gwits'at k'adagwidaadhat geenjit gö'o'ahí gwinjik li'hàt gwik'it t'igwidil'oo kwaa ji' *Gwik'it Gugwehdineetl'oo Gwidagwidji'* eh'òk t'igwiheedy'ah. Jii gwik'it gugwehdineetl'oo gwiiniindhan ji' Chambre des communes Eenjit Gjjkhii vits'at tr'igwehdineetl'oo ts'at geenjit tr'oohadahkat.

Jii gwik'it tr'igwahahtsa geenjit ahà' diigahnuu ji' duuyeh Chambre des communes galtsaii gwehdeenjah. Chambre des communes iisrits'at jii dinehtl'eh gwits'at k'adagwidhat ts'at duuyeh uu'ok gwits'at k'adat'r'igwahdaadhat. Gwizhit Nilii Kat guuts'at tr'igjkhè gugwidinuutl'oo gwik'it gugwehdineetl'oo gwiiniindhan ji' jii tr'oochit gugwidinuutl'oo kat tr'oohadahkat, jii t'at *Gwik'it Gugwehdineetl'oo Gwidagwidji'* e' gwinjik akòo digwiheedy'ah.

Jii gwik'it tr'igwahahtsa geenjit ahà' diigahnuu ji' Chambre des communes ts'at Gwizhit Nilii Kat duuyeh zhàt t'iguutr'ilih. Gwiyeendoo gahgwiheedandaii, jii gwizhit goo'ahí k'iighè, Chambre des communes gwizhit akòo digeedil'in' duuyeh diigahaanja, duuyeh akòo digeedil'in' guk'iinjigiteedhat ts'at duuyeh atr'oodahkat gwizhit nitr'igwii'ah. Jii gwik'it tr'igwahtsii ts'at yaa'at ch'ii'àn t'atr'ijahch'uu ji', Chambre des communes, Parlement guunehch'y' t'igwidil'ii gehdeenjah.

Chambre des communes guu site Webe <http://www.noscommunes.ca/> danh chan duuleh jii tr'igwinah'inh.

**DIINÀNH GWIZHÌT NIHKHÀH GWEHNEET'AII
TR'IGWAHTSIH, YEENDÒO
GUK'ATR'AHNAHTYAA: ARCTIQUE GWIZHÌT
YEENDÒO' T'IGWIHÈECH'AA GEENJIT GISRII
NITR'ÄHJIH**

**Affaires étrangères ts'at développement
international Gwizhìt Dagweedi'in' Gwizhìt Nìlìi
Kat Geenjit Diiyah Tr'igwaandak**

**Michael Levitt
Łinagaadal Gwichìt**

AVRIL 2019

**PARLEMENT 42 GWIZHÌT GWEEDHÀH, TR'OOCHIT NIHKHAH
ŁINAGAADAŁ**

JUUDÌN JII DINEHTŁ'EH KAK GWINAH'IN JII GAHGIHEEDANDAII

**Gwizhit Nili Kat guugwitr'it geenjit diiyah tr'igwaandak gwi'dinehtł'èe' Chambre des communes
gwits'an gahtsih**

Gwizhit nìlii kat guugwitr'it geenjit diiyah tr'igwaandak gwi'dinehtł'èe gwits'an gahtsi dài' jidìi gwizhit gugwinah'ìn' ts'at geenjit dagiiniindhan uu'òk datthak kat gahgiheendaii geenjit gwits'an gahtsih. Jidìi gwizhit gugwinah'in geenjit tthak diiyah gugwaandak dài' uu'òk jidìi guuvah tr'igwaandak, gwizhit nìlii kat jidìi gigiiniindhan geenjit diiyah gugwaandak, ts'at jaadee akòo digiiniindhan tthak diiyah tr'igwaandak gwi'dinehtł'ee gwizhit nìlih.

Affaires étrangères ts'at développement international Geenjit Gwizhìt Nìlii Kat

LINAGAADAL GWICHÌT

Michael Levitt

LINAGAADAL GWICHÌT TS'ANUU

L'hon. Erin O'Toole

Guy Caron

GWIZHÌT GIINLII KAT

Ziad Aboueltaif

Leona Alleslev

Frank Baylis

Pamela Goldsmith-Jones (Parlement Gwizhìt Nìlii Kat Ts'anuu – Jidìi Gwiiniindhan Katr'igjikhii Gwijàa Nìliih Kwàh)

Kamal Khera (Parlement Gwizhìt Nìlii Kat Ts'anuu – Jidìi Gwiiniindhan Katr'igjikhii Gwijàa Nìliih Kwàh)

L'hon. Andrew Leslie (Parlement Gwizhìt Nìlii Kat Ts'anuu – Jidìi Gwiiniindhan Katr'igjikhii Gwijàa Nìliih Kwàh)

Raj Saini

Jati Sidhu

Anita Vandenbeld

Borys Wrzesnewskyj

PARLEMENT GWIZHÌT NÌLII EZHII JII GWIZHÌT GIINLI'

Dean Allison

Vance Badawey

Daniel Blaikie

David de Burgh Graham

Peter Fonseca

Garnett Genuis

Angelo Iacono

Linda Lapointe

Hélène Laverdière
L'hon. Robert D. Nault
Robert-Falcon Ouellette
Blake Richards
Adam Vaughan
Salma Zahid

GWIZHÌT NÌLII KAT TS'ANUU

Erica Pereira

PARLEMENT GEENJIT DINEHTŁ'EH K'ATR'INAHTII GWIDEEK'IT

**Parlement Geenjit Diiyah Tr'igwaandak ts'at Dagwidi'in Gwizhìt Tr'igwinah'in
Geenjit Gò'o'ah**

Allison Goody, Jidii Tthak Gwizhìt Gwinah'in Nilih
Brian Hermon, Jidii Tthak Gwizhìt Gwinah'in Nilih
Scott McTaggart, Jidii Tthak Gwizhìt Gwinah'in Nilih

Jii geenjit diiyah tr'igwaandak gwi'dinehtl'èe' Uunjit K'yuu ts'at Nèeghaii Gwich'in K'yuu
gwidinithit'òh ts'at Gwizhìt Nìlii Kat guu [site Web](#) kak göo'aii göo Gwizhìt Nìlii Kat ts'anuu
internet kak FAAE@parl.gc.ca göo tl'yah vizhìt tr'igjìkhii gwi'ehdichih (613) 996-1540 geenjit
atr'oodahkat diiyeenjit goo'ìih.

Y GWINGWAN TR'IGWIŁTSÀIH

Chambre des communes Geenjit Nijilzhii Kat Canada gwa'àn nijìn gwiiyeendoo ejùk t'igwinjik gwizhìt gugwinah'ìn'. Arctique gwa'àn chuu choo kak Łuu gwiiinchii gö'o'pii jùk gukwaa nagwidaadhak ts'at khadinàazhiih. Gwiyeendoo gi'gwindoo ts'at chuu kak natr'ahdadal geenjit gwihee'aa gwiiiniindhan. Jii k'iighè' Arctique gwa'àn chuu kak ejich'ii neetr'aazhik geenjit gwiheezaa gwizhìt gugwinah'ii, Chine chan, akòo digiheedyaa geenjit gwizhìt t'igiinch'uh.

Gwinagò'ee gwa'àn chuu gö'o'pii ejùk t'igwinjik ts'at nan kak tthak gwa'àn diik'atr'ahnattyaa zhàk t'igwinjik. Russie guuveenjit naveh t'ah'in gwindoo gwiinzii gugwahtsii ts'at tthak gwinjik t'igwiheech'aa gwinehch'i' giinlii k'it t'igiinch'uh. Jùk diik'ee nichii k'eejit gugwiłtsaaii ts'at Russes kat iitsii nahandit'ee ts'at chuu t'eh gwitr'ii gidi'in ts'at duuleh niinzhit gwats'at diitr'oogahdahk'ee guuveenjit gö'o'pii jii t'at Amérique du Nord gwi'oo nijìn iitsii nahandit'ee ts'at chuu gö'o'pii gwa'àn duuleh akòo digiheedyaa ah. Traité de l'Atlantique Nord k'iighè' akòo digiheedyaa ah kwaa geenjit gwijiinchii gö'o'ah. Nivee tr'igwahtsii dài' diik'atr'inahtii eenjit ejich'ii t'atr'ijahch'uu shik, k'eejit gugwahahtsah.

Jii gàa, Arctique gwizhìt neegadadal giiniindhan jí' duuleh okòo digiheedyaa guuts'agwagheh t'igwiheech'ah kwàh. Arctique gwizhìt tsinehdanh gö'o'pii geenjit iisrits'at göonlii ts'at uu'òk nihts'at t'iinch'uu gwinehch'i' t'iinch'uh. Gwiinlit gwizhìt tr'igwahnah'aa, diigwehdeendał kwaa ts'at chuu kak natr'ahdadal gugwahtsii ts'at gwinagò'ee guk'atr'ahnattyaa geenjit nihkhah gwitr'it gugwahahtsaa geenjit gö'o'pii dài' yeendoo geenjit shik gwihèe'ah. Tsinehdanh hàh jidii tthak gwizhìt tr'igwahnah'aa gwihee'aa Canada eenjit gwijiinchii goonlii.

Canada gwizhìt Arctique gwa'àn chuu ts'at gwinagò'ee diits'an göonlii, nits'oo geenjit gö'o'pii guk'atr'ahnattyaa ts'at dagwiheedy'aa geenjit gö'o'pii gwinjik guk'atr'ahnattyaa jii tthak gwehneet'ii, jùk ts'at yeendoo tthak diiyeenjit gwihee'aa geenjit jii dagwiiniindhan geenjit diiyah tr'igwaandak gwi'dinehtl'ee gwizhìt diinch'uh.

Arctique gwizhìt diigwehdeendał kwaa ts'at diik'atr'ahnattyaa gwizraih Canada guuveenjit gö'o'ah kwàh. Kaiik'it gwizhìt iisrits'at gwiinzii t'igwiheech'aa chan geenjit goo'ah. Gòo, tth'ah hee Arctique canadien gwa'àn jidii t'atr'ahdahch'aa diiyeenjit goo'ah kwàh. Jidii t'atr'ahdahch'aa gwiintl'oh tr'idi'in kwaa iisrits'at gahgwidandaih. Nord gwa'àn jidii t'atr'ahdahch'aa gwindoo tr'idi'in kwaa k'iighè' tseedhòh leii tr'idaatsii kwaa jii k'iighè' thàn' t'igwiinchù' gwiiiniindhan ts'at ejich'ii daat'l'oh. Affaires étrangères Geenjit Nadhat kat dagweedi'in geenjit diiyah gugwaandak gwizhìt jii srigiheelyaa geenjit

Nord gwa'àn Dinjii Zhuh ts'at Ineekaii gwindoo t'aih guuts'an heelyaa ts'at Arctique iisrits'at edits'at k'agwahaadhat. Jii dagweedi'in diiyah tr'igwaandak gwi'dinehtl'èe vuuzri' gwizhit goo'äii, iisrits'at diik'atr'ahtyaa geenjit goo'äii gwizraih tr'idi'in diiyeenjit gwiinleih kwàh. Akòo digwiheedyaa jì' nijìn tr'igwich'in danh nikhah gwitr'it gugwahahtsaa k'iighè' tthak t'aih tr'iheedyaa'äh.

JIDÌÌ GWIINIINDHAN GWIDINITHITŁ'OH

Jii gwizhìt nìlii kat jidìi geenjit gigjkhè' k'iighè' jidìi giiniindhan, dageedi'in gwi'dineht'èe' gwizhìt gö'o'aii ts'at Chambre des communes gö Chit Kat gugwahnah'aa geenjit guuts'an gahtsih. Jii geenjit jidìi gwiiniindhan jii gwiyezhak gwidinithitł'oh.

Dinjii Zhuh ts'at Ineekaii Ak'oh Nànhkak Gwizhìt Kaiik'it Gö'o'aii Hàh Gwiinzii Gwitr'it Gugwitahtsa

Jidìi Gwiiniindhan 10

Canada Gwizhìt Arctique gwa'àn chuu nihkah guk'atr'ahnattyaa, Canada
Eenjit lisrits'at Chit gugwahahtsaa ts'at Ineekaii, guuvehghee geenjit chit
giheelyaa gugwahahtsaa k'iighè' Canada Gwizhìt Arctique gwa'àn chuu geenjit
chìt kat tthak nihkah guk'atrahnattyaa gugwahahtsaa aii gehghee ts'at nan
eenjit Łagwiinaadhan tr'ałtsaaii geenjit gö'o'aii ts'at Conseil du milieu marin du
Nunavut diiyah gwizhìt giheelyah gwiiniindhan.

Jidìi Gwiiniindhan 9

Chuu Guk'andeht'renahtii Geenjit Gö'o'aii Arctique gwa'àn nijìn
guk'agahnahtyaa k'eejit gugwı̄tsaaii gwinjik akòo digidi'ii dài' Ineekaii geenjit
nadħàt ts'at guukaiik'it hàh jii geenjit nihkah gwitr'it gugwahahtsaa ts'at
Ineekaii gwiyeendoo jii Chuu Guk'andeht'renahtii Geenjit Gö'o'aii gwizhìt
guuveenjit gugwi'hè'aa aii geeghee ts'at Arctique canadien gwa'àn
t'igiheech'aa, jii tthak Canada Eenjit lisrits'at Chit Kat gugwahahtsa
gwiiniindhan.

Jidìi Gwiiniindhan 19

Canada Gwizhìt Arctique Nànhkak gwa'àn vik'iighè' aadrii t'atr'ijahchuu dài'
ejiich'ii iizuu vizhìt t'iheech'ah kwaa ts'at geenjit gwiintł'oh tr'igouheekat kwaa
Canada Eenjit lisrits'at Chit gugwahahtsaa gwiiniindhan.

Jidìi Gwiiniindhan 20

Nord canadien gwizhìt tseedhòh tr'idaatsii nits'òo gugwihee'aa ginuu dài'
T.N.-O. gwicħìt ts'at Dinjii Zhuh geenjit gö'o'aii guuvah geenjit gigiheekhyaa aii
geeghee ts'at nan kak khaii eenjit gwitr'it gwaatsii chan geenjit guuvah
gigiteekhyah gwiiniindhan.

Jidìi Gwiiniindhan 23

Canada gwizhìt yeenji' gukaiik'it ts'at jii gweedi' gukaiik'it gi'gwidhan ts'at nihts'at giheedaa gugwahahtsa NWT gwichìt, Dinjii Zhuh geenjit göo'yii ts'at Dinjii Zhuh geenjit nihlinehch'i' gwihee'aa tr'igwahtsii geenjit jilch'eii kat hàh jii geenjit Canada Eenjit lisrits'at Chit guuvah gwitr'it gugwahahtsa. Datthak nihkhah gwiinzii t'igwiheech'aa gugwitr'it geenjit tseedhòh gwits'an tr'ahahtsaa geenjit iisrits'at dagwàhchii gwit'atrahdahch'aa ahlei geenjit gwizhìt nitr'iheelyaa ts'at jii gwitr'it gugwahahtsa niindhan kat, guuveenjit gwihee'aa gwiiniindhan.

Jidìi Gwiiniindhan 24

Nijìn Arctique canadien gwa'àn nivee eenjit zeh tr'igwahahtsa Canada Eenjit lisrits'at Chit gwizhìt gugwahnah'aa ts'at Nord gwa'àn kaiik'it geenjit gwiyeendoo gwiinzii gugwahahtsa gwinjik tseedhòh t'agahdahch'aa geenjit gugwihee'ah gwiiniindhan.

Jidìi Gwiiniindhan 28

Arctique canadien gwa'àn nits'òo tseedhòh t'agijahch'ù', dagweed'i'in' ts'at nits'òo tagwidhat geenjit T.N.-O. gwich'it ts'at Dinjii Zhuh gwichìt hàh Parlement geenjit guuvah gugwahaandak gwiiniindhan.

Diigwehdeendał Kwaa ts'at Diik'atr'ahnahtyah

Jidìi Gwiiniindhan 11

Canada Gwizhìt Chuu Kak Diik'atr'inahtii Geenjit Göo'yii luu khadinahshii gwitr'ii' gwiyeendoo gwiinzii gugwahahtsa k'iighè Canada gwats'at tr'iinlii kat yeendoo gweedhaa gwiinzii guuk'agahnahtyaa ts'at gugwehdèendał kwaa ts'at nijìn diits'an góonlii, nihlinehch'i' gwizhìt tr'igwinah'in göo, diikatr'intii geenjit tthak gwiinzii t'igwiheech'aa gugwihee'aa gwiiniindhan.

Jidìi Gwiiniindhan 12

Arctique canadien gwa'àn nijìn shìk chuu kak natr'ahdadal jùk gweendòo t'atr'ahdahch'aa gwinjik geenjit Canada Gwichìt kat map gahahtsa, khanhts'at jii geenjit gwitr'it gugwahahtsa gwiiniindhan.

Jidìi Gwiiniindhan 13

Programme national de surveillance aérienne gwiyeendoo Arctique canadien gwa'àn nagiheedidał ts'at shìk gwa'àn nagiheedidał Canada Gwichìt kat geenjit goo'aii gugwahahtsaas gwiiniindhan. Aii geeghee ts'at gwa'àn gugwinah'in geenjit t'agijahch'uu ts'at iitsii nahanditee t'agijahch'uu k'eejit giheedyaa'aa geenjit gwihee'aa, federal government kat gwits'an gahahtsaas gwiiniindhan.

Jidìi Gwiiniindhan 14

Arctique gwa'àn nan kak gwitr'it tr'igwahtsii gugwahnah'aa geenjit ejich'ii t'agijahch'uu tr'iheedyaa'aa geenjit Canada Gwichìt kat tseedhòh gwits'an gahahtsaas ts'at États-Unis, NORAD hàh jii geenjit gwitr'it gugwahahtsaas gwiiniindhan.

Jidìi Gwiiniindhan 15

Diik'atr'intii geenjit ejich'ii t'agijahch'uu, nijùk gö'o'aii göo shìk North gwa'àn t'agahdahch'aa geenjit gö'o'aii Canada Eenjit lisrits'at Chit kat T.N.-O. t'angiinch'uu hàh gwizhìt shìk gugwahnah'ah. Gwizhìt gugwinah'ii ts'at nijìn Nord gwa'àn diikatr'intii geenjit tthak gwizhìt giheelyaa jì', jii gwichìt kat geenjit tseedhòh Forces armées canadiennes guuts'an gahahtsaas ts'at sud du Canada guuch'i' tr'iguuheedał kwaa gugwihee'ah gwiiniindhan.

Jidìi Gwiiniindhan 16

Rangers canadiens ts'at Rangers juniors kat Arctique gwa'àn Canada gwizhìt t'iinch'uu geenjit gahgwiheedandaii geenjit iitsii nahandit'ee tsal, drones gugwahnuu jii geenjit nits'òo t'agihadahch'aa gaguutr'oohanahchyaas, Canada Gwichìt kat gwizhìt gugwahnah'aa gwiiniindhan. Jùu digwiheedyaa'aa geenjit goo'aii jì', gwichìt kat ejich'ii geenjit t'agahdahch'aa nizii ts'at gwiinzii gwitr'it t'agwah'in geenjit tseedhòh gwizhìt nigiheelyaa ts'at Forces armées canadiennes kat Nord gwa'àn guuvàh tr'igiheekhyaa geenjit ejich'ii nizii giheedyaa'aa gahahtsaas chan gwiiniindhan.

Jidìi Gwiiniindhan 17

Système d'alerte du Nord k'eejit tr'igwahahtsaas geenjit Canada Eenjit lisrits'at Chit kat tseedhòh gwizhìt nigiheelyaa gwiiniindhan, jùk jii geenjit États-Unis kat hàh gigijkhiih, NORAD gwindoo k'eejit nagugwahahtsaas ts'at Nord gwa'àn gwindoo gwiinzii gwit'agahdahch'aa gugwahahtsaas gwiiniindhan.

Jidìi Gwiiniindhan 18

Canada eenjit nivee t'ah'in iitsii nahandit'ee t'agijahch'uu nijìn geenjit gö'oaii, gwindoo gwiinzii tr'igwahahtsaas ts'at Arctique canadien gwa'an gwihèe'aa gwiiniindhan jì', geenjit Canada Eenjit lisrits'at Chit kat gwizhìt gugwahnah'aa gwiiniindhan.

Jidìi Gwiiniindhan 21

Canada Eenjit lisrits'at Chit kat, systèmes de télédétection spatiale
Gwidagwidjì'è gwizhìt gugwahnah'aa ts'at nijìn gwiiyeendoo natr'ahdadal kwaa gwa'an jidii t'atr'ijahch'uu hàh gwiinzii gwitr'it t'agwah'in geenjit gö'oaii ts'at Affaires mondiales Canada tth'ah hee jii dagwidjì'è geenjit diniéht'eh gwits'an gahahtsaas giheelyaa chan gehdeenjaas gwiiniindhan. 2012 ts'at 2017 dài' jii Dagwidjì'è gwizhìt gugwinah'ìn', ezhik dài' jidìi giiniindhan, iisrits'at chit kat geenjit niinji'giheedhat gwiiniindhan.

Gwinago'ee Tthak Nihti'ejùk Niinji'gwidhat

Jidìi Gwiiniindhan 1

Organisation du Traité de l'Atlantique Nord guk'andeht'rehnahtyaa jì' Canada Eenjit lisrits'at chit kat Conseil de l'Atlantique Nord hàh gwitr'it gugwahahtsaas ts'at jii gwizhìt nihkhah tr'iinlii kat Arctique gwizhìt Russie eenjit nivee t'ah'in kat dagiheedy'a'aa giiniindhan gahgwiheedandaii ts'at geenjit dagwiheedy'a'aa gahgwiheedandaii gwiiniindhan.

Jidìi Gwiiniindhan 3

Chine Gwichìt kat, Arctic eenjit nits'òo ganinji'gadhat geenjit Canada Eenjit lisrits'at Chit kat guuts'at gigiheekhyaa gwiiniindhan.

Gwinagoo'ee Gwitsinehdanh ts'at Dinjii Zhuh göo Ineekaii Guuveenjit Gö'oaii

Jidìi Gwiiniindhan 2

Canada Eenjit lisrits'at chit kat geenjit gö'oaii dài' tthak, Russie hàh, Conseil de l'Arctique gwizhìt ts'at ezhii kaiik'it gwizhìt diiyah gö'oaii hàh, diinagöo'ee dagoonch'uu, diigwehdeendal gwinehch'i' diik'atr'ahnahtyaa, khehtak tr'igwahahtsii ts'at gwiinzii tr'igwiheendaii gwits'agwigheh gö'oaii gwizhìt gugwahnah'aa ts'at gwiinyeendoo gwiinzii gugwahahtsaas gwiiniindhan.

Jidìi Gwiiniindhan 4

Uu'òk Arctique gwats'at t'iinch'uh kwaa Arctique gwits'at ejich'ii nigiheelyaa giiniindhan jì' Arctique gwa'àn kaiik'it ts'at nan duuyeh yaa'at ch'ii'àn t'igwiheenjaa, jii geenjit Canada gwidagwidjj'è' gwizhìt göö'yii gwinjik t'igiheeda'aa, Canada Eenjit lisrits'at Chit kat geenjit guuts'at gigiheekhyaa gwiiniindhan.

Jidìi Gwiiniindhan 5

Canada eh'òk chuu gwinjik kaiik'it göö'yii, Danemark, Norvège, Russie ts'at États-Unis giinlii, Convention des Nations Unies chuu choo eenjit dagwidjj'è' ts'at 2008 Ilulissat Déclaration gwinjik gwiinzii nihkhah chuu kak natr'iheedadal geenjit Canada Eenjit lisrits'at Chit kat guuvàh gwitr'it gugwahahtsaa gwiiniindhan.

Jidìi Gwiiniindhan 6

Nijin gwits'at k'adagwidaadhat geenjit nihts'at göö'yii, Déclaration des Nations Unies gwizhìt Ineekaii göö Dinjii Zhuh guuveenjat göö'yii gwinjik nihkhah gwitr'it gugwahahtsaa ts'at Convention des Nations Unies gwizhìt Chuu Choo Gwidagwidjj'è' gwinjik gwihee'aa gwiiniindhan.

Jidìi Gwiiniindhan 7

Canada Eenjit lisrits'at Chit kat Conseil de l'Arctique gwizhìt participants permanents du Canada yeendoo geenjit tthak guugwitr'it geenjit tseedhòh guuts'an gahahtsaa gwiiniindhan.

Jidìi Gwiiniindhan 8

Conseil de l'Arctique chan diiyah tñagaadal ts'at Canada Eenjit lisrits'at Chit, tñatr'aadal gwicħit giinlii dài' jidìi geenjit gigiheekhyaa ts'at nagwidadhat neekaii gugwitr'it gwijiinchii gwihee'aa jii participants permanents du Canada häh geenjit gigiheekhyaa gwiiniindhan.

Diinagoo'ee Ejùk T'igwinjik, Jidìi Gik'igaanjii ts'at Gàh Gwidandaii

Jidìi Gwiiniindhan 22

Nord gwa'àn tthak nihti'ejùk tr'igwahtsii gugwitr'it geenjit göö'yii gwizhìt gwinagò'ee ejùk t'igwinjik geenjit göö'yii gwiyeendoo geenjit niinj'gwiheedhat, Canada Eenjit lisrits'at Chit gugwitahtsaa gwiiniindhan.

Jidìi Gwiiniindhan 25

Canada Eenjit lisrits'at Chit guuveenjit gwizhìt tr'igwinah'in geenjit gwitr'it t'agwah'in kat Arctique gwa'àn Dinjii Zhuh ts'at Ineekaii kat gukaiik'it ts'at Arctique gwa'àn tr'igwich'in kat hàh gwiinzii gigiheekhyaa ts'at jidìi giiniindhan ts'at jidìi geenjit niinji'gadhat yiinjít tr'igwich'i'l'ee hàh Canada gwa'àn Arctique gwizhìt guugwitr'it gugwahahtsaa gwiiniindhan.

Jidìi Gwiiniindhan 26

Dinjii Zhuh ts'at Ineekaii nits'òo Arctique gwa'àn yi'eenoo gugwiindài' gwinjik jidìi gahgwidandaii gwiiniindhan tachanh gehdeelyaa ts'at gwizhìt nitr'igwiheelyaa Canada Eenjit lisrits'at Chit kat akòo digwiheedy'a'aa geenjit diits'at tr'igiheendal gwiiniindhan.

Jidìi Gwiiniindhan 27

Programme antarctique canadien gwa'àn nits'òo gwizhìt tr'igwahnah'aa tr'igwahahtsaa ts'at iisrits'at jidìi tthak gwiinzii gwizhìt gugwahnah'aa Savoir polaire Canada gwinjik t'igwiheech'aa Canada Eenjit lisrits'at Chit kat geenjit gwitr'it gugwahahtsaa gwiiniindhan.

DIICHÌT KAT DIIDII GIGIHEEKHYAA GUUTR'OODAHKAT

Geenjit Gö'o'yii 109 gwinjik, chit kat jii Dagweedi'in' Gwi'dinehtl'èe' gugwahnah'aa ts'at geenjit diidii gigiheekhyaa, Gwizhìt Nìlii Kat, jii geenjit guguudahkat.

Łinagaadal 103, 105, 107, 109, 111, 116, 123, 124, 128, 132 Gwizhìt Jidì Geenjit Gigijkhè' Gwidinehtl'èe' gwizhìt gugwahnah'aa geenjit jùu nigugwini'äih.

Yiinjigwichi'l'ee hàh gwits'an dhałtsàih

Michael Levitt
Łinagaadal Gwichìt

